

XXVII.

Le Prince d'Orange à Wesenbeke. Lettre de recommandation pour Renier Cant. — Brit. Mus. Cotton Mss. Galba C. IV, (78)80. Publ. par Kervyn l. c. p. 81.
1570, le 27^e Septembre.

Wesenbeke, Comme depuis votre partement est icy arrivé Reynier Cant porteur de ceste, nous avons entre aultres communiqué avecq luy sur le faict duquel dernièrement vous avons donné charge, et ce ensuyvant avons trouvé bon qu'il se transporte vers vous, le sieur Snoey et Bourgmaistre de Gorcom, pour vous faire entendre ce que sur celà nous avons ultérieurement advisé. Parquoy vous le pourrez sur ce ouyr, et le voyre comme nous mesmes et communiquer avecq luy librement et

franchement de ces affaires, luy faisant exhibition de la dernière instruction qu'avez (comme nous espérons) receu hier par celluy que nous vous avons envoyé. Et nous mandez le plus souvent que vous pourrez de vostre besoigne et des occurrences de pardelà. Sur quoy nous priérons Dieu vous avoir en sa sainte garde. De Dillenberch ce XXVij^e jour de Septembre 1570¹.

*Nostre chier et bien
aimé M^{re} Jacques de
Wesenbeke.*

Vostre bon Amy
GUILLAUME DE NASSAU.

Au verso : „Ri i Octob. 1570.”¹

